

620 Dô sprach er: »vrouwe, tuot sô wol,
 ob ich iuch des bitten sol:
 lât mînen namen unerkant,
 als mich der rîter hât genant,
 5 der mir entreit Gringuljeten.
 leistet, des ich iuch hân gebeten.
 Swer iuch des vrâgen welle,
 sô sprechet ir: »mîn geselle
 ist mir des unerkennet,
 10 er wart mir nie genennet.«
 si sprach: »vil gern ich si ez verdage,
 sît ir niht welt, daz ichz in sage.«
 Er unt diu vrouwe wol gevar
 kêrten gein der bûrge dar.
 15 die rîter heten dâ vernomen,
 daz dar ein rîter wære komen,
 der hete die âventiur erlîten
 unt den lewen überstrîten
 unt den Turkoten sider
 20 ze rehter tjost gevellet nider.
 Innen des reit Gawan
 gein dem urvar ûf den plân,
 daz si in von zinnen sâhen.
 si begunden vaste gâhen
 25 ûz der burc mit schalle.
 dô vuorten si alle
 rîche banîere;
 sus kômen si schiere
 ûf snellen ravîten.
 30 er wânde, si wolden strîten.

ich ez (om. V) *T (L)
 in om. *G *T

die rîtære h. dâ ([D*]: Do hetten die ritter do V) v., *T
 dar ([*]: dar V) om. *G (ohne Z) *T

von der z. *T (nur U)

*D: D Z *m: m *G: G I L Z *T: U V

1 Initiale D Z L 7 Majuskel D 11 Initiale I 13 Majuskel D 21 Initiale I U · Majuskel D

2 des] om. *m 11 si sprach: »vil gerne ich verdage, *m · vil gern ich si] ich vil gerne Z 12 in] om. Z 15 jâ heten die ritter dâ vernomen, *m 16 dar] om. *m 19 unt] und ouch
 *m 20 ze] in *m 23 von] om. Z von den *m I